

21


IN ORTU  
SERENISSIMI PRINCIPIS  
LUDOVICI  
BURGUNDIAE DUCIS  
ORATIO

HABITA IN COLLEGIO ROMANO

X. KAL. JANUARIAS CIDI CCCL.

A JOSEPHO MARIA MAZZOLARIO

E SOCIETATE JESU.



ROMAE cId. Id. cc. Ll.

EXCUDERAT GENEROSUS SALOMONI  
IN FORO SANCTI IGNATII.

SUPERIORUM FACULTATE.

THE  
JOURNAL  
OF  
THE  
ROYAL ANTHROPOLOGICAL INSTITUTE  
OF GREAT BRITAIN AND IRELAND  
VOLUME 10  
PART 1  
1880

EXCELLENTISSIMO DOMINŌ  
**LUDOVICO JULIO**  
BARBONIO MAZZARINO MANCINIO  
DUCI NIVERNENSI

*Pari Franciae , Hispaniarum Magnati , Regionum  
in Gallia Ordinum Equiti , Christianissimi Galliae  
ac Navarrae Regis LUDOVICI XV.  
Extraordinario ad Sanctam Sedem  
Legato .*



JOSEPHUS MARIA MAZZOLA <sup>II</sup> JS  
F.



RATIO haec , siquidem publici juris fieri debebat , nemini fidentius erat inscribenda quam Tibi ,  
LUDOVICE DUX AMPLISSIME . Nam  
\* 2 aucto-

auſtoritate , atque adeo efflagitatu  
Tuo prodiſt in lucem , ut propterea  
acre de ea Doſtorum hominum judi-  
cium vereri non admodum debeam ,  
qui me qualicumque hoc meo dicen-  
di genere ſatis Tibi probarim , Viro  
& doctiſſimo & erudiſſimo . Accedit  
eo , quod eamdem praefentia cohone-  
ſtaueris Tua , effecerisque , ut ad con-  
fertiffimam lectiſſimamque frequen-  
tiam a me recitaretur . Convocatis  
enim ex Ampliſſimo Cardinalium Col-  
legio iis , quibus apud Apoſtolicam Se-  
dem externorum Regnorum tutela ac  
procuratio demandata eſt , omnibus-  
que omnium Principum Legatis , & ex  
primis Ordinibus nobiliſſimis quibus-  
que ac ſapientiſſimis , ejus diei cele-  
britatem , quo habita haec oratio fuit ,  
multo ſane majorem reddidiſti , quam  
ut

4  
ut aut a me, aut a Sodalibus meis  
requiri vel expectari posset . Quod  
cum feceris, id nobis maxime perho-  
noricum duximus, atque in hoc con-  
siliū demirati sumus Tuū, qui non  
minus attenderis, quid a Te fieri Tua  
humanitas posceret, quam spectave-  
ris, quid rei, qua de agebatur, digni-  
tas ac magnitudo postulare. Soda-  
lium enim meorum nomine publicum  
& illustre ob felicissimum atque exo-  
ptatissimum SERENISSIMI BURGUN-  
DIAE DUCIS ortum, gratulationis offi-  
cium persolvendum erat; multa proin-  
de de Gallorum Regum, atque adeo  
de LUDOVICI Decimi Quinti, ejus-  
que Regii Filii laudibus, multa etiam  
de Gallicae Gentis virtute praestantia-  
que dicenda. Quae omnia cum plane  
perspiceres, suisque momentis ponde-  
reres,

rare , nihil omittere voluisti , quod ad illam celebritatem augendam conferre posset ; neque oratoris ipsius infantia obfuit , quo minus , uti semper consuesti , faceres & humanissime & splendide . Humanissime quidem , cum libenti gratoque animo , quae a me dicta sunt , & paene ante quam dicerentur , exceperis ; splendide autem , cum ad me audiendum ea nobilium affectatorum frequentia pompaque accessisti , quae non modo Regii Legati personae , quam sustines , conveniret , sed Regii ipsius Infantis , cujus ortus celebrabatur , praestantissimae dignitati propemodum responderet . Tibi igitur Orationem hanc tot nominibus debitam dedico consecroque , quam pro immortalibus Tuis erga me promeritis in grati animi testimonium accipias

cipias velim . Non ego hoc loco nobilissimae Familiae Tuae decora persequar , quae multo notiora ac celebriora sunt , quam ut a me commemorari atque illustrari debeant : cum praesertim tot tantisque ornamentis Tu ipse abundes & pietatis , & doctrinae , & eruditionis , & summae in gravissimis obeundis expediendisque negotiis prudentiae ac dexteritatis , ut minime necesse habeas , Majorum Tuorum laudibus virtutibusque censeris . Hoc tantum dicam : Te , qui origine Italus atque ex Patritiorum Ordine Romanus es , ortu vero ac domicilio Gallus , quae in utraque natione egregia sunt , ita esse complexum , ut in Te uno maxime emineant universa . Sed modestiae Tuae parcendum esse video . Itaque plura non addam , satisque

que me consequutum arbitrabor , si  
hoc , tenue licet , obsequii atque ob-  
servantiae erga Te meae documen-  
tum exstabit.

Romae Pridie Kal. Jan. MDCCCLII.



*Eques Pet. Leo Cherus invent. et del.*

*Hen. Rossi incidit*



ORA-





*Exuberantior ut verborum, castigatior ut prior*

# ORATIO.

*Incipit prolixi Oratio hanc hanc reliquis Orat. Meis*



UOD a Deo Optimo Maxi-  
mo diu multumque precati su-  
mus, ut acerbissimum taeter-  
rimumque bellum multis jam  
ante annis potentissimorum  
Regum similitate ac conten-  
tione susceptum, & partim  
fortissimorum Imperatorum virtute, partim no-  
vis Regum ipsorum offensionibus, ad haec us-  
que tempora productum ac continuatum, mu-  
tuis tandem aliquando dissidentium officiis com-  
poneretur, animosque nostros a diuturna cura  
atque molestia liberatos ad pacis atque otii stu-  
dia

B

dia convertere liceret: hoc, immortalis Dei ipsius beneficio, cum summo atque incredibili totius Christiani nominis gaudio, cumulatissime nos esse consequutos, jure optimo possumus gratulari. Exstincta est exitialis ac foeda illa flamma, quae totam Europam pervasit, atque ita exstincta, ut brevi tempore nulla maximi funestissimique incendii vestigia futura sint. Non jam amplius militarem licentiam atque libidinem, non agrorum vastationes, non direptiones oppidorum, non caetera belli incommoda pertimescimus. Jactati longa periculosaque tempestate, ea spe jam portum ingressi sumus, ut nulli posthac venti nos inde abstrahant, quibus iterum in altum provehamur, novisque turbinibus ac tempestatibus jactandi obruendique objiciamur. Nam, quod non solum ad tollenda belli dissidia, sed etiam ad stabiliendam confirmandamque quamdiutissime pacem opportunum maxime, atque adeo necessarium videbatur, id quoque nobis a Deo ipso sponte datum atque oblatum est. Vidimus enim proximis hisce annis clarissimorum Regum fortunata connubia, ex iisque susceptam prolem omnibus laetitiae significationibus prosequuti sumus. Et merito quidem. Namque illud caput est regnorum felicitatis, ut Reges Regibus legitimo jure succedant: qua una maxime ex re reliqua  
omnia

omnia populorum commoda consequuntur. Gavisus igitur summopere ac jure sumus, cum diversis ex partibus ad nos venerint, qui in lucem editos florentissimorum Regnorum haeredes successoresque nunciarent. Quid vero? cum nuperrime ad hanc Urbem optatissimus nuncius perlatus est, SERENISSIMUM GALLIARUM DELPHINUM ex lectissima Conjuge suscepisse filium, nobilissimamque Familiam nova prole auctam atque amplificatam: quanta exstitit totius Civitatis laetitia, quantum bonorum omnium gaudium, quanta omnium ordinum, generis, loci ac fortunae hominum, quamque effusa gratulatio! Prope ante oculos vestros, Quirites, etiamnum versantur magnificentissimi apparatusque ludi, ab ornatissimo hoc & rebus omnibus praecellentissimo LUDOVICI Regis ad Pontificem Max. Legato non multos ante hos dies facti, atque a vobis summo concursu frequentiaque celebrati. Adhuc aures nostrae laetis faustisque populi acclamationibus personant; necdum motus ille exsultantium animorum, & tamquam non in Galliae solius, sed in communi salute ac felicitate laetantium, penitus conquievit. Quamobrem eccui vestrum, Quirites, mirum videri poterit, si hoc ipsum Gregorianum Lyceum in partem communis laetitiae venire gestiat, & vocem quodammodo mittere

indicem erga nobilissimam BORBONIORUM Familiam totamque Gallicam gentem studii ac voluntatis, & morem publicarum hujusmodi gratulationum, aliquamdiu in hoc Gymnasio intermissum, revocare? Intermissionis autem causam non voluntas, sed quaedam necessitas attulit. Nam quis locus, aut inter ipsos armorum tumultus, aut nondum plane quietis tranquillatisque rebus oratori esse poterat? Nunc vero, cum res eo, summa erga nos Dei benignitate, devenerint, ut & nulli armorum fragores exaudiantur, & prope certa atque explorata pacis longum duraturae spes ostendatur, quid est, quod nos prohibeat; quominus diuturno silentio modum aliquando faciamus, atque ad pristinum dicendi morem consuetudinemque revertamur? Facite igitur, Quirites, ut me de Gallici Imperii felicitate, quam in faustissimo auspicatissimoque SERENISSIMI BURGUNDIÆ DUCIS ortu magis magisque constitutam ostendam, non attento solum, sed libenti etiam studioque animo dicentem audiat. Mea enim in eo genere versatur oratio, quod minime sola attentione contentum sit, sed studium praeterea vestrum efflagitet, ac benevolentiam requirat. Est vero id non aequissimum modo, verum etiam vobis multo facillimum. Nam, cum de Gallici Imperii felicitate dico, illud cogitare

vos

vos decet, me de florentissimo Regno dicere, de Gente huic Urbi amicissima atque addicissima, &, quod praecipuum est, quæ eorum Regum dominatu regitur, qui ob praeclara atque immortalia erga Sanctissimam hanc atque Apostolicam Sedem merita, Christianissimorum Regum nomen obtinuerunt; ut propterea de eorum commodis, aequè ac de vestris, vehementer gaudere vos ac laetari prope necessario debeatis.

Atque ut sine cunctatione ad id, quod posui, veniamus; quantaec illud Gallici Imperii felicitati adscribendum putatis, quod, cum omnium fere Imperiorum aut vetustissimum haberi debeat, aut cum antiquissimis vetustate ac gloria certet, nunc ita fundatum ac constitutum sit, ut, quantum homini de futuris eventibus conjectare licet, plane confidere possimus, fore perpetuum, neque ullam umquam aetatem ei finem esse aliquem allaturam? Nam, quod ad regnorum diuturnitatem perpetuitatemque maxime facit, id Gallico Imperio ita tributum est, ut prope ad aliorum Imperiorum invidiam datum ac concessum esse videatur. Non enim ulla Imperia satis firmiter constituta, & ad longinquum atque adeo ad sempiternum tempus stabilita existimare debemus, nisi is sit rerum status, ut, qui regnat, subditas habeat fidelesque provincias, populos dicto

dicto audientes , ornatissimas instructissimasque classes & copias , quibus & possessa tueri , & nova acquirere , & ablata recuperare possit , maxima vectigalia certosque redditus , qui nervi reipublicae esse dicuntur , denique , quod amplitudinis est , ditionem longe lateque diffusam ac propagatam . Quae omnia , atque alia multa , quae hic consulto praetereo , quam summa in Gallico Imperio sint , & haecenus fuerint , quis vestrum est , Quirites , qui aut propter florentissimi regni vicinitatem praesens non viderit , aut propter rerum famam ac celebritatem absens non cognorit ? Nam & Gallicum Imperium in ipso quodammodo Europae sinu ac gremio collocatum est , & alluitur mari , & Alpium vallo ab Italia , & Rheni fossa illa gurgitibus redundante a Germania disternitur : tanta loci opportunitate , ut , cum longissime latissimaeque pateat , hostilibus tamen infestisque finitimarum gentium incursionibus obstructum penitus atque interclusum sit . Quo factum fuit , ut , non nisi aegre ac summa cum difficultate , olim eo Romanorum arma penetrarint , & Romani ipsi a Gallis non raro pulsati superatique fuerint , & praeceptus ille incitatusque victoriarum cursus saepe repressus sit ac retardatus . Ipsa vero forma regionis quam dignitatem , quam speciem

eternam habet ! quae magnitudo fluminum ! quae commoditas portuum ! quae pulchritudo urbium ! quae celebritas oppidorum ! qui agri ! quam natura uberes ! quam industria culturaque feraces ! ut fortunatissima gens in summa rerum omnium abundantia affluentiaque versetur . Mores autem hominum quales sint , quod incolarum ingenium , quae studia plurimarum artium atque optimarum , quid me attinet commemorare ? cum ea in Urbe versetur , in qua bene multos ex primis ordinibus nobilissimae nationis spectatissimos atque ornatissimos viros quotidie ob oculos habeamus , ex quibus facile de reliquorum indole , moribus , doctrina , elegantia , humanitate conjecturam capere possimus . Omnino ejus gentis tale tantumque ingenium semper fuit , ea Gallorum animi vis , ut ad summa quaeque a natura facti comparatique , in quamcumque partem se dederint , & sive ad pacis atque otii , sive ad belli atque armorum studia incubuerint , aut primas tenuerint , aut certe praestantissimis cultissimisque totius Europae nationibus nihil umquam vera de laude concefferint .

His aliisque quamplurimis qua naturae , qua industriae subsidiis Gallicum Imperium hactenus viguit : quae cum praeclara , tum vero ad stabiliendam confirmandamque dominationem esse

esse maxime necessaria nemo non videt . Atqui  
confitendum tamen est , ea non esse ejusmodi ,  
ut sola plenam felicitatem cumulatamque confi-  
ciant , & aliud praeterea quiddam requiri , quod  
nisi magnis Imperiis accesserit , eorum felicitatis  
saepe omnis ratio perturbatur . Recordamini ,  
Quirites , atque animis vobiscum ipsi reputate .  
amplissima & vetustissima Imperia , ita fundata ac  
constituta , ut nullum umquam interitum habi-  
tura viderentur , cum opibus affluerent , cum  
omni copiarum genere abundarent , cum rerum  
praeclare gestarum gloria florerent , subita tamen  
veluti ruina concidisse : casum porro fuisse ejus-  
modi , adeo gravem , adeo fatalem , ut se aut  
omnino numquam crexerint , aut non nisi longo  
post tempore recrearint . Fractae interim regni  
opes ac comminutae , divulsae distraetaeque  
provinciae , vastatae populataeque miserandum  
in modum regiones , agri direpti , exinanitae  
urbes , viduata oppida , exhaustum aerarium ,  
omnia denique a pristina illa felicitate ad mise-  
rum repente statum calamitosumque prolapsa .  
Atque hujus quidem infelicissimi status luctuo-  
sissimaeque conditionis is plerumque sensus est ,  
molestus adeo atque acerbus , ut ad florentem illam  
ac beatam fortunam evasisse numquam , quam  
aliquando ab eadem dejici ac deturbari , prae-  
stitierit .



stiterit. Quid enim aerumnosius, quam ex beato miser? cum praesentem aegritudinem animi superiorum temporum memoria non solum non levet, sed etiam ex utriusque fortunae, cum secundae, qua nuper stetit, tum adversae, qua modo jacet, inter se contentione, multo acriorem atque acerbiorem efficiat.

Sed quid tandem illud est, quod unum si desideretur, caetera regni optime quantumlibet constituti ornamenta atque praesidia prope nulla futura sint? Jam, opinor, animo praecipitis, Quirites, quod dicturus sum, &, quo mea contento cursu festinat oratio, cogitatione ipsi vestra jam pervenistis. Illud enim videre vos arbitror planeque perspicere, nihil prope modum opes, amplitudinem, potentiam, rerum gestarum famam profutura, nisi praesto sit is, cui ista relinquantur, quique tot tantisque majorum suorum praesidiis instructus, & nova ad amplificationem Imperii quaerere, & multo labore parta atque quaesita tueri ac conservare possit: qui si delit, aut repentino aliquo casu ablatum, aut propter conjugum sterilitatem omnino numquam susceptus, quid aliud exspectandum est, nisi bella, tumultus atque dissidia? quae etsi gravissima mala sint multo leviora tamen ac tolerabiliora judicari debent, si a Regni ipsius

C

exitio

exitio atque interitu sejungantur . Id enim illa ipsa , quae supra commemoravi ornamenta , magna sane atque praeclara , efficere ferme solent , ut plurimorum animos ad se alliciant , & oblata lucri spe , ad cupiditatem vehementius inflamment . Constat enim , vacua successore Imperia , tamquam praemium aliquod , de eorum possessione , legitimo , uti credere fas est , jure certantibus esse proposita : certamen autem tanto gravius esse , ac majori cum populorum calamitate conjunctum , quanto illa opulentiora sunt , majusque victoribus commodum utilitatemque allatura . Quamobrem nemini mirum videri debet , si fere universae gentes in eo consentiant , ut nihil tam exoptent , quam suorum Principum fecunditatem , nihil aeque atque eorundem sterilitatem reformident , quam profecto intelligunt planeque perspiciunt vix umquam a maximo populorum damno ac pernicie posse sejungi . Quod periculum si regiae Sobolis procreatione eos depellere contigerit , tum demum omnem sollicitudinem ac metum abjiciunt , votique compotes facti , & , quod ardentissime concupierant , adepti , beatos se ac felices arbitrantur .

Atque hoc ego nomine beatam ac felicem , atque adeo prae cunctis gentibus beatissimam ac felicissimam cum semper , tum hoc praecipue tempore

tempore Galliam praedico. Unde enim factum exultimatis, Quirites, ut Gallicum Imperium quinto ipso post Christum natum saeculo a Merovaeo illo clarissimae Merovingiorum Familiae principe atque auctore felicissimis auspiciis conditum ac fundatum, in tanta rerum vicissitudine ac varietate, tanta annorum atque adeo saeculorum diuturnitate, ad nostram usque aetatem integerrimum ac florentissimum perseverarit? an putatis, in pacis veluti gremio perpetuo conquiesse, ut propterea nulla neque externorum neque domesticorum armorum impressione dejecti atque everti potuerit? Deus immortalis! ecquod bellum aut magnitudine grave, aut exitu formidolosum, aut genere ipso necessarium umquam fuit, vel esse potuit, in quo illud varia atque diversa, cum Europae, tum Galliae ipsius, eaque difficillima tempora non exercuerint? quam multa arbitramini ad Imperii propagationem bella a Gallis fuisse gesta! quam multa ad foederatorum ac sociorum auxilium suscepta! quam multa ad vindicandas propulsandasque finitimorum injurias illata! quam denique multa ad propugnandam Catholicam Religionem conservandamque confecta! Quid? censetisne militarem disciplinam, quae semper in Gallia maxime viguit, sine maximis bellis vigere potuisse?

Mitto igitur, quae mari plurima celeberrimaque gesserunt; mitto, quae extra Europam, quae in Asia, Africa, atque America, ut nullus prope-modum in toto terrarum orbe locus adeo inaccessibleis ac sepositus sit, ora nulla tam longinqua atque deserta, quo victricia Gallorum arma non penetrarint. At haec externa sunt. Quid illa domestica? quam diuturna fuerunt! quam acerba! quam luctuosa! quam saepe (quod fatum fuit omnium omni tempore populorum triste ac lacrymabile) illi ipsi opimi ac feraces Galliae campi, qui saepius caesorum hostium cruore redundarunt, civili sanguine maduerunt! Jam vero tot ac tam varia genera bellorum, tam longe lateque diffusa, conflata ex potentissimis nationibus ac bellicosissimis gentibus, terrestria, maritima, externa, civilia, taeterissima omnia periculosissimaque, numquamne Imperium hoc concutere, numquamne labefactare potuisse? semperne ab ultima usque stirpe atque origine idem mansisse! floruisse semper! atque ad aetatem hanc nostram non modo non imminutum, sed novis subinde provinciarum atque adeo regnorum accessibus auctum atque amplificatum perdurasse! Quid hoc est, Quirites? quam novum! quam inauditum! quam inusitatum! quam singulare! quid dicemus? quam rarionem huiusce rei excogitabimus? quid causae fuisse arbitrabimur? Ego

Ego vero , post Dei Optimi Maximi , omnia sapientissime moderantis ac gubernantis , consilium , id potissimum perpetuae cuidam ac plane admirabili Regiarum in Gallia stirpium propagationi adscribendum puto . Quis enim , aut esse factum , aut fieri potuisse censeret , ut Regnum tam vetustum ac diuturnum , cujus fundamenta inde usque a saeculo quinto jacta sint , tribus tantummodo regiarum Familiarum stirpibus contineretur ? Atqui ita est , Quirites : praeter has tres , quas dixi , stirpes , Merovingiorum primam , Carolinorum alteram , Capetianorum tertiam , nullam omnino aliam reperietis , quae regio nomine ac jure totos mille ac trecentos , & eo amplius annos Gallis imperitarit . Et prima quidem ; cujus auctor Merovaeus fuit , ab anno quadringentesimo quadragésimo octavo regnum auspicata , ad septingentesimum quinquagesimum secundum viguit : altera , quae Carolinorum a Carolo illo Magno , in quem Romanum ipsum Imperium translatum fuit , est appellata , cujus Caroli pater Pipinus statim a primae exactione stirpis regnare coepit , ad annum nongentesimum octogésimum septimum perpetua stirpis successionem pertinuit . Quid vero tertia , priorum duarum longe clarissima ac nobilissima , Capetianorum ? Jam subductis vobiscum rationibus tenetis ,

Quiri-

Quirites, postremam hanc stirpem, ab Ugone Capeto ad hunc Ludovicum Decimum Quintum toti Galliae modo feliciter imperantem, incredibili quadam longissimae successione perpetuitate fuisse propagatam. O rem novam prorsus atque admirabilem, & Galliae solius propriam ac singularem! Ecquam gentem, ecquam nationem aut legistis aut audistis umquam, quae tamdiu Regibus suis ex eadem stirpe progenitis ac procreatis usa fuerit? cujus populi, si Francum excipiat, ista tanta felicitas umquam exstitit? Cui Imperio tanta diuturnitas contigit, quanta Gallico? Consulate, si placet, omnes Regnorum omnium historias, totam, quam longe lateque pertinet, investigate antiquitatem, &, quantum potestis, vetustissimarum rerum memoriam eruite ultimam: nulum profecto e Christianis quidem Regnis tam diuturnum proferri poterit, Regia Familia nulla, quae diutius cum Imperio fuerit, nulla denique gens, cui tanta felicitas obtigerit, ut Principibus, quibus commodis ac beneficentissimis primum usa sit, iisdem perpetuo ex eadem stirpe submissis, sibi quae invicem continuata, & octingentorum annorum spatio non interrupta serie succedentibus frueretur.

Jam vero in tanta diuturnitate temporum ac longinquitate, quam multas quamque calamitosas Regnorum ac provinciarum vicissitudines

dines Galliam vidisse arbitramini ? Nolo hoc loco commemorare, Quirites, quanta hisce annis rerum omnium tota Europa facta conversio sit, ne, dum Gallici Imperii ac Galliae ipsius felicitatem extollo, reliquorum populorum cicatrices, nondum fortasse plane obductas, praeteritarum acerbitarum recordatione refricare videat ; sed tamen quanta rerum mutatio tota Europa ac conversio existit ! quanti tumultus ! quanti Regnorum interitus ! qui certe sine populorum maxima calamitate esse non potuerunt : neque enim is, qui imperat, suere potest, quin secum eos, quibus imperat, in eandem perniciem atque exitium trahat. In tanto autem motu rerum ac perturbatione, sola Gallia in suorum Regum fide benevolentiaque perpetuo conquevit. Vidit sane miserrimas funestissimaeque externorum regnorum orbitates, atque cum cepit animo dolorem, quem homines ex hominum incommodis capere decet : sed tanto inde major ejus voluptas esse debuit, quanto se majori periculo creptam sensit ac liberatam : quandoquidem secundae res fere ex contentione magis, quam ipsae per sese cognoscuntur. Extulit quidem multos Reges, quod necesse fuit in tanta diuturnitate Imperii, eorumque funus omnibus doloris significationibus, uti par erat, prosequuta est :

est : verumtamen ad luctum illum leniendum, tam pia praesertim ac justa de causa susceptum, quantum haeredis ex eadem stirpe superstitis praesentia valere potuit, cui in demortui Regis locum statim suffecto concreditam se ac commendatam videret !

Haec hujusmodi sunt, Quirites, ut ad tantam felicitatem nihil propemodum addi posse videatur. Verum ista tanta felicitas ita in Gallico Imperio jam inde ab octo saeculis inveteravit, ut paene eum laetitiae motum, & quasi voluptatis titillationem amiserit, quam laetae res ac jucundae afferre solent. Magnum quiddam, extraordinarium, inusitatum perpetua ista, stabilis ac secunda fortuna desiderat. Quod quidem ita Galliae concessum fuit, ut non tamquam vulgari ac communi gaudio laetari, sed incredibili quadam, ac praeter omnem morem insolita voluptate gestire atque exsultare debeat. Quid enim ad eam, quam dico, felicitatem augendam cummulandamque aut opportunius expeteret, aut conducibilius excogitaret, quam quod ei nuperime singulari Dei benignitate contigit? Fruebatur quieta ac pacata praeclarissimi ac clementissimi Regis dominatione ( de LUDOVICO Decimo Quinto loquor ) cujus Imperii prima illa initia ad Regni totius tranquillitatem ac Catholicae Religio-



gionis incrementa spectarunt . Videbat , illum non tam florentem annis , quam rebus gestis , in Italia , Belgio , Germania , Polonia strenue fortiterque pugnantiem , ac novis ubique accessionibus Imperii fines aut certe gloriam propagantem . Quod unum optare poterat , ut praestantissimus Rex haeredem ex sese genitum in spem gentis ac regni submitteret , jam impetrarat . Impetrarat autem talem , qualem sibi vix meliorem ipsa fingere potuisset , singulari pietate , fide , iustitia , liberalitate praeditum , qui ad reliquas animi dotes egregiaque ornamenta bellicam etiam laudem ac virtutem adjungeret , qui vivam atque expressam clarissimi Patris , atque invictissimi Regis imaginem repraesentaret . Quid amplius velle poterat Gallia ? quid praeterea requirere ? quid exspectare ? siquidem consequuta jam illud erat , quod unum adeptae caeterae gentes vulgo contentae esse solent , & in quo uno summam Imperii felicitatem sitam ac collocatam putant . Verum sit hoc aliis gentibus merito ac jure satis ; at Gallicae felicitati , quam inusitatam omnino atque extraordinariam esse dixi oportere , certe non satis . Ecce igitur novus haeres Gallico Imperio repente datus , novus Regni successor in lucem editus ; & in SERENISSIMI BURGUNDIAE DUCIS ortu Galliae felicitas incredibilem in

D

mo-

modum exaggerata . Hic jam certe non erit , quo Gallia , quae tres uno tempore fortunarum suarum auctores statoresque videat , patrem quidem sibi nunc imperantem , filium vero ac nepotem olim imperaturos , quaeque propterea tamquam ex triplici jucunditatis fonte non modo praesentis hauriat , sed etiam futurae ad longam annorum seriem felicitatis voluptatem praecipiat , hic , inquam , non erit , quo spe ac votis ulterius progrediatur . Immo vero est , Quirites . Non ego hoc loco novum quoddam felicitatis genus , quod quidem mente percipi possit , re autem ipsa existere nequeat , animo ac cogitatione informabo mea . Dicam id , quod vos ipsi profecto mihi assensuri sitis . Etenim , amabo vos , nonne ea aetate , & integra , & florente , LUDOVICUS Decimus Quintus est , ut , cum recens hujus SERENISSIMI BURGUNDIAE DUCIS avus factus sit , alterius ab hoc ipso procreati filii proavus esse possit ? Excipio , uti decet , humanos casus incertosque eventus valerudinis , quos neque de se , neque de altero quisquam praestare potest . Verum , cum LUDOVICUS Rex aetate vigeat , cum ejus Regius filius firma corporis & virium habitudine utatur , cum hic BURGUNDIAE Dux optime constitutis parentibus natus bellissime valeat , quid est quamobrem hoc Gallia sperare non possit ? quid ? cur Gallico Imperio nos  
idem

idem ex animo non apprecemur ? Verum ista missa faciamus, *Quirites* ; neque enim Gallia in tanta prosperitate rerum , in tam secunda eximiaque fortuna , vota facere necesse habet , & felicitatem suam in futuri temporis spem differre , incertisque humanarum vicissitudinum casibus eventisque committere ; est , est , inquam , cur modo gaudeat , cur mirifica quadam atque inusitata voluptate perfundatur , cur se prae cunctis gentibus beatam ac felicem agnoscat ; quippe quae , quod aliae gentes aut numquam omnino , aut non nisi perraro consequutae sunt , cumulatissime adepta sit . Quamobrem sinat eas illius boni , quod iis nondum obvenit , spe atque expectatione sustentari : ipsa vero , quandoquidem superis ita visum est , ut hoc solatio minime indigeret , hujus ipsius boni perceptione multo certe optabiliore ac jucundiore perfruatur .

At quale est , quantumque hoc bonum , *Quirites* ! Tale audebo dicere ac tantum , ut ad retinendum illum , in quo nunc est , longe amplissimum dignitatis statum , nihil ei a Deo opportunius donari atque impertiri potuerit . Ea est humanarum rerum natura atque conditio , ut a parvis plerumque initiis sensim augescentes , & suos processus habeant & incrementa ; cum vero ad summum pervenerint , nisi tum vel maxi-

me quamfirmissime sustententur, mole propemodum sua collabantur ac corruant. Id potissimum in potentissimorum populorum Imperiis, quae quondam amplissima floruerunt, nunc nulla sunt, maxime declaratum est. De Gallico si forte tale aliquid aliquando verendum fuit, nunc certe ea cura atque timore liberati sumus. Sic enim sentio, in hoc SERENISSIMO BURGUNDIAE DUCE non tantum singulare ornamentum Galliae accessisse, sed firmissimum ad perennitatem esse praesidium constitutum. Age, qui rerum status modo in Gallia sit, quam omni ex parte felix, quam florens, quam beatus, quam denique in summo rerum fastigio, ut, cum vix quicquam, quò altius, tamquam aedificium, evadat, supersit, laborare quodammodo mole sua ac magnitudine videri possit, mecum, quaeso, considerate: tum facilius statuetis, num mediocriter laetari vos deceat, ad tantam tamque excellentem atque exaggeratam fortunam retinendam ac conservandam, tantum hoc praesidii ac firmamenti esse comparatum. Atque utinam, Quirites, hoc loco tantum mihi temporis ad dicendum concederetur, quantum ad res tam varias, tam incredibiles ac prope divinas persequendas tribui mihi darique exoptarem. Quamquam, me ne Gallicae virtutis ac fortitudinis monumenta paene infini-

## O R A T I O .

29

infinita , bella , victorias , triumphos oratione mea complecti posse , voce ac viribus sustinere ? Illud verissime dicam , Gallicam gentem postremis hisce praefertim annis eo usque amplitudinis progressam esse , quo se vix , ac ne vix quidem felicissima caeteroquin ac fortunatissima semper natio , rerum praeclare gestarum fama ac magnitudine processuram existimasset . Nam , per Deum immortalem ! ab Ludovico illo Justo ad hoc usque tempus quanta Gallico Imperio dignitatis facta fuit accessio ? quanta gloriae lux oborta est ? quantus splendor affulsit ! O diem illum , Quirites , toti Galliae faustum ac salutarem , atque ad immortalitatis memoriam consecrandum , quo die Ludovicus Decimus Tertius Sanctissimae Dei Genitrici , eidemque Virgini integerrimae , Se Imperiumque suum , quod bene prospereque eveniret , solemni ritu augustaque caeremonia consecravit ! Et bene sane prospereque cuncta evenerunt . Quid non actum hisce annis a Gallis fuit ? quid non summa cum laude gestum ? Arma sumpta , qua ad propriam , qua ad aliorum defensionem , & inaudito quodam animi robore , atque integerrimis ad hanc diem tractata viribus . Bella paene innumerabilia summo consilio ac virtute administrata , & fere semper optabili exitu felicique confecta . Numquam

quam de summa Imperii, quod in discrimen adduceretur, dimicatum; sed fere longe ab domo ac Regni propugnaculis bellatum est, & quam saepissime debellatum. Victi profligatique hostes, fugati exercitus, caesa agmina, arces dirutae, captae urbes, oppida recepta, provinciae in ditionem potestatemque redactae, Regnum ditatum opibus, potentia provectum, accessionibus amplificatum; ubique Gallicae virtutis ac felicitatis tropaea non ad exigui praedicationem temporis, sed ad futurorum saeculorum memoriam sempiternam constituta. Atque, ut non omnia confecer, neque tamen omnia silentio premere ac praeterire videar, poteritne ulla umquam aetate celeberrima illa ac longe clarissima Ludovici Magni Batavica expeditio oblitterari! Obstupuit enimvero tunc Europa universa, cum res tantas, tam magnas, tam illustres, tam inauditas, tanta tamque incredibili felicitate ac celeritate confectas audivit. Obstupescant certe posteri omnes, cum tot connexos victoriis triumphisque dies legent, secumque statuent, tot ab uno Rege, uno tempore, uno belli impetu praeclara patrata fuisse facinora, quot profecto non ad unius Regni atque Imperii, sed ad omnium prope Regnorum atque Imperiorum felicitatem stabiliendam constituendamque sufficerent.

Quod

Quod si a bellica laude , qua tantopere Galli nostra memoria excelluerunt , bonarum artium studia minime sejungenda putemus , quid huic genti abesse arbitrabimur , quominus eam ad ipsum summae felicitatis fastigium pervenisse credamus ?

• Constat enim , ingenuas artes liberalesque disciplinas in bene cultis atque institutis nationibus esse plerumque consuevisse magnae administras comitesque fortunae . Quod cum olim in Graecorum illo , atque hoc ipso vestro , Quirites , Romano Imperio , cum maxime opibus ac potentia floreret , tum recentissime in Gallico re comprobatum ac patefactum est . Atque hic soli ne Galliae litterarum ac disciplinarum amplificationem , an exteris etiam gentibus ac nationibus gratulabor ? propterea quod fructus , qui ex iis maximi atque uberes percipiuntur , non unius regionis finibus continentur , sed quamlatissime pertinent , atque ad omnium gentium commodum utilitatemque dimanant . Jam commoda , quae hisce annis in litteratorum Remp. universam e Gallia profecta sunt amplissima & maxima , quis ignorat ? Silebo igitur & praeteribo tot Academias , bonis artibus regiis impensis constitutas , magnificentissima praemia ad ingeniorum incitamentum proposita ; incredibilem librorum vim , qui omni doctrinae atque eruditionis gene-

genere referti quotidie e Gallia ad nos perferuntur. Illud vero, quo nihil certe in omni historia occurreret illustrius, quod nulla umquam delebit oblivio, quod litterae omnes semper loquentur ac praedicabunt, fileri a me ac praeteriri qui poterit? Nam, quantum putatis non tam ad communem hominum utilitatem, quam ad litterarum ipsarum decus contulisse illam alteram, nihilo certe minus, etsi diverso in genere, priore, de qua dixi, illustrem atque omnium ore celebratam expeditionem, a LUDOVICO Decimo Quinto regia plane munificentia ac liberalitate adornatam, atque a delecta Gallorum manu in ultimas orbis terrae partes, ad terrae ipsius figuram formamque definiendam, incredibili alacritate ac virtute susceptam? Ea planè ostensum est, non majore propagandi Imperii, quam bonarum artium amplificandarum studio ardere Gallos; atque in incerto relictum, utra laude praestare dicendi sint, qui utraque commendatissimi ac cumulatissimi reperiantur. Hic est, quam brevissime ac parcissime potuit, oratione mea perstrictus ac veluti adumbratus praesens rerum in Gallia status, haec florens ac beata felicissimi Regni conditio. Porro in tantis Imperii opibus, tanta copia, tanto splendore, tanto apparatu fortunae nonne optatissimum maximoque opere laetandum

exi-



## O R A T I O .

33

existimare debetis, summi Imperii conservationi atque adeo aeternitati tam certa stabilique ratione a Deo immortalis esse consultum? Videte, ne quod in privata familia, sit modo illa paullo nobilior atque opulentior, optare atque expetere soletis, id in ea, in qua tot provinciarum ac populorum bona, vita, salus, felicitas, incolumitas, Imperii denique florentissimi ac clarissimi fortuna vertitur, negligendum putetis.

Hic illud fortasse occurret, Quirites, quid tantopere expetendum sit recens hoc Gallici Imperii praesidium, siquidem Regia BORBONIORUM Familia, praeterquamquod in ipso DELPHINO satis acquiescit, ita Stirpibus hodie floret atque adeo propagata est, ut etiam si novo hoc praesidio careret, non magnopere neque ei, neque Gallico Imperio timendum esse videretur. Quid hoc loco dicam, Quirites? quo me vertam? quo potissimum responsionis genere mihi utendum putem? Negabo hoc esse verum? & vetustissimam gentem jam ad paucos redactam esse contendam, ut in uno tantum aut altero haerede ejus spes omnis ac fiducia nitatur? O BORBONICAE Familiae nomen! O longe lateque deductum ac propagatum, si umquam alias, hoc praecipue tempore, clarissimum ac nobilissimum genus! ut non unius Gallici Imperii finibus con-

E

cluda-

cludatur , sed longe amplissimis ac prope immensis provectum spatiis ipsa etiam externa Regna atque Imperia dominatione ac potestate complexum sit . Circumspicite , circumspicite Hispaniam , Italiam , Europam universam , BORBONIORUM luce ac splendore circumfusa . An ex ea stirpe Reges umquam Galliae defuturos possumus suspicari , ex qua externae ipsae gentes ac populi sibi certatim Reges optarunt atque adsciverunt ? Quid ? si unus aliquis BORBONICAE Familiae Ducibus , qui modo Galliam praesentia sua ac virtutibus illustrant totam ( iis tribus , qui potiuntur nunc rerum , potiturique deinceps sunt , paullisper cogitatione remotis ) Regno admoveatur , Galliae ne ipsius commodis atque incolumitati minus consultum putarem ? Proh superum atque hominum fidem ! Equidem , si quando mihi ante oculos propono Condaeos , Contios , Aurelianenses , ex una eademque BORBONIA stirpe generatos , quot veros in iis germanosque BORBONIOS agnosco , totidem praestantissimos Reges videre mihi videor atque intueri . Possunne umquam oblivisci , quae Henricus ille Condaeus pro Religione Catholica adversus Hugonotos praeclare gessit ? quae Ludovicus item Condaeus bellicae virtutis ac magnanimitatis exempla edidit ? quae illius Henrici filius alter

Arman-

## O R A T I O .

35

Armandus, & Contiorum Dux primus laudum  
 suarum monumenta posteritati reliquit? Nam  
 quantum ad Gallici Imperii regimen Aurelianen-  
 ses Duces facti comparatique sint, fatis ex eo,  
 qui nostra memoria, post Ludovici Magni de-  
 cessum summa fide atque integritate Galliae Re-  
 gnum administravit, quivis intelligat. Et quis-  
 quam erit, qui tot praeclarissimos ac praestan-  
 tissimos Duces incredibili quadam atque inau-  
 dita virtute praeditos, clarissimis Majoribus or-  
 tos, &, quod praecipuum est, ex BORBONIA  
 ipsa stirpe ac genere natos, Gallico Imperio mi-  
 nus idoneos a me existimari suspicetur? Quam-  
 quam quid plura colligo? perinde quasi non is  
 esset exorsus orationis meae, atque haecenus in  
 eo multum non laboraverim, ut docerem, in  
 hac ipsa admirabili ac plane singulari Regia-  
 rum in Gallia stirpium propagatione Galliae ipsius  
 felicitatem sitam esse ac collocatam. Do igitur,  
 quod vultis, non contendo, non repugno, &  
 facile patior, me eo, unde paullum, necessaria  
 recentis Gallicae felicitatis commemoratione, di-  
 gressus eram, a vobis fuisse revocatum. Sed  
 certe ita mihi persuadeo, vosque idem, Quiri-  
 tes, existimare necesse est, de hac ipsa tanta  
 Galliae felicitate immensum quiddam decessurum,  
 si eo res adducerentur, ut ad cognatas stirpes

E 2

esset

esset ( quod omen vel ipsae maxime aversebantur ac reformidant ) deveniendum . Tantam enim rem , atque ejusmodi , in quam non modo Principum ipsorum , sed etiam privatorum fortunae mutationem maximam fieri necesse esset , sine maximo populorum motu , aliis alio , partim odio ac timore , partim amore ac cupiditate , conversis atque spectantibus , transigi posse arbitramini ? Quid ? si nihil a domesticis periculi impenderet , nihil ne ab externis publicae Regni quieti ac tranquillitati esset magnopere pertimescendum ? Quam parvis atque adeo minimis saepe momentis magnae in magnis Imperiis conversiones perturbationesque fiant factaeque sint , non ignoratis ; ut proinde , quid tum fortasse eventurum esset , per vos ipsi videre ac prospicere possitis .

Et sane BORBONIA Familia non ad ultimum certe interitum redacta erat , quin tum in Regis fratre , & Condacis Ducibus nitebatur , cum Ludovicus Tertius Decimus in spem Sobolis propagandae juncta sibi matrimonio Anna Austriaca , lectissima ac rarissima foemina , nuptiisque regali apparatu ac magnificentia celebratis , totum Galliae Regnum inusitato gaudio laetitiaque complevit . Erat in expectatione omnium tanti conjugii soboles , quae nuptiarum fructus multo suavissimus ac jucundissimus esse solet ,  
 eaque

eaque universae Galliae votis ac precibus expe-  
tebatur. Quicumque ex tali tantoque Rege Filius  
natus esset, nemo dubitabat, quin ad summam  
Imperii totius felicitatem editus foret; & , quasi  
animi praesentirent in posterum, talem sibi & vir-  
tute & rebus gestis & victoriis & caeteris orna-  
mentis omnibus cumulatam cogitatione adumbra-  
bant, qualem prope certo, uti eventus postea  
demonstravit, siquidem susceptus esset, futurum  
ominabantur. Verum diu multumque Galliae di-  
lata vota: unus, alter, tertius, eoque plures  
anni abeunt; nec tamen Regina uterum gerit,  
nec proles ulla fuscipitur. Sed nondum omnis  
intercisa spes sobolis; quin, quanto illa longin-  
quius ostentata, tanto vehementius experta. Ubi  
autem eo ventum est, ut annus secundus supra  
vicesimum ageretur, ex quo frustra clarissimo  
Regi filius exposcebatur; tunc enimvero Gallia  
universa quasi improvise ictu perculsa concidit:  
animum despondere: desperare rebus suis, se  
miseram atque infelicem, se plane perditam, se  
superis omnibus invisam nuncupare. Non illam  
invictissimi Principis res gestae, non bella, non  
triumphi, non monumenta consolabantur. In-  
tuebatur non sine lacrymis Regem suum, sup-  
plices tendebat manus, atque cum quodammo-  
do, quod sibi haeredem negaret, incusare vide-  
batur;

batur ; tantumque aberat , ut optatissimi Regia levaretur aspectu , ut potius ejus praesentia conceptus intimis sensibus dolor recrudesceret. Hancine fidem , hancine pietatem , constantiam , religionem minime instaurandam esse ac revocandam ? virtutemne tantam extinguere penitus atque deleri ? o frustra suscepta vota ! o spes inanes ! o miserum ac certe miserandam conditionem ! Has ego Galliae , in eo rerum articulo constitutae , voces ac querimonias fuisse crediderim , Quirites ; quae certe graviores esse debuerunt , quam cujusquam nostrum mens aut animus suspicari possit : neque enim de alienis malis perinde ac de nostris commoveri solemus ; atque oratori perdifficile est ea ita explicare verbis , ut aequae acerba illis , qui audiunt , videantur esse , ac iis visa sunt , qui senserunt . Sed quorsum ista ? nempe ut ex eo luctu ac prope desperatione intelligatis , non nisi certa atque praesenti Regnantis sobole opulentissimo regno satis consultum videri debere ; & , quo major fortuna est atque excellentior , eo majora ad illam retinendam requiri praesidia ; semperque timori locum esse , quoties illa desint , atque eorum magna quaedam vis ac copia non adsit .

Sed quid ego tam longinqua atque acerba commemoro ? Abiit jam tempus illud merus ac solli-

sollicitudinis, satis profecto Ludovico illo Magno, qui tandem aliquando precibus impetratus fuit, atque abunde compensatum. Facite igitur potius, Quirites, ut ab eo luctu ac moerore animos vestros ad praesens hoc gaudium atque ad hanc recentem laetitiam traducatis. Quid enim sibi vult ista tanta exsultatio, qua propemodum tota urbs sedibus suis commoveri visa est? quid equorum illi cursus significant, tanta pompa ac frequentia celebrati? quid apparatissimum epulum, tanto splendore ac regia plane magnificentia exstructum? quid scenae illae elegantissimae, & laetissimis vocibus personantes? quid denique tot munera Populo Romano data declarant? Equidem non video, quid aut ad laetitiam hilarius, aut ad apparatus instructius, aut ad liberalitatem sumtuosius atque splendidius Roma videre potuisset, si post longam votorum expectationem is demum filius impetratus esset, in quo uno totius Regni salus atque incolumitas contineretur. Nimirum magnum quiddam, ac prope ad Gallici Imperii felicitatem constituendam necessarium, in hoc SERENISSIMO BURGUNDIAE DUCE a Deo oblatum esse dicendum est, quandoquidem hujus ortus tantam omnibus affert jucunditatem, tantisque gratulationibus ac muneribus celebratur. Quod si is fuit in hac urbe laetitiae

titiae motus, ut major propemodum esse non potuerit, qualem ac quantum in ea fuisse arbitramini, quae Gallici princeps est ac domicilium Imperii? Nonne cum illa, tum Gallia universa exsilire gaudio atque exultare ac prope insanire debuit? Et merito quidem. Videt enim, & multo sane melius, quam nos, Gallia prospicit, quo loco ejus fortuna sit, quid publicae, quid privatae rationes ferant, quid rerum suarum intersit, quid Regni totius utilitas postulet; nec tantorum ornamentorum, quibus ad hanc diem praestantissimorum Regum virtute ac felicitate adaucta fuit ac cumulata, oblivisci potest: ea assidue ob oculos habet, ea contemplatur, nec sine mirifica quadam animi voluptate intuetur; quæ omnia cum in hoc BURGUNDIAE DUCE sibi retenta ac conservata sentiat, non potest non inusitato gaudio efferri ac leatabunda gestire. Intelligit, nihil sibi periculosius accidere posse, quam longam hanc Regum suorum atque adeo herorum seriem minime continuari, a qua & praesentem fortunam suam agnoscit, & futuram expectat: ut, etiam si fore prospiceret, ut adulto hoc BURGUNDIAE DUCE parum commodo, aut propter inopiam consilii, aut alia de causa, uteretur, non idcirco tamen in ejus ortu sibi minus laetandum esse ac gaudendum existimaret. Tanta



## O R A T I O .

41.

ta enim ostenditur in perpetua Principum ejusdem non gentis solum, sed etiam familiae, successione opportunitas, ut reliqua incommoda prope contemnenda esse videantur.

Quid vero, si qualis evasurus sit BURGUNDIAE DUX, quam sibi utilis, quam toti Regno, si quidem olim Imperium nanciscatur, salutaris, indicio aliquo minime dubio assequi possit? quid? si jam nunc de tota ejus vitae ratione cognoscere, de studiis, de moribus, de virtutibus prope certo conjicere? Atqui hic etiam ad Galliae praesentem felicitatem cumulus accedit, ut de futura quoque Infantis hujus praestantia & de mirificis ex ea in se olim redundaturis commodis possit sibi in antecessum atque adeo hoc ipso tempore gratulari. Sed fortasse non eo verbo, quo decuit, usus sum, Quirites, qui hunc Galliae felicitatis cumulum dixerim; terminum enim verius debui dicere. Nam majorem hac felicitatem potestisne vos animis vestris excogitare, aut mente fingere atque complecti? Ego certe quo jam progredi oratione mea possim, plane non video. Huc usque (quando paullo altius ordiri mihi visum est, & Gallici Imperii felicitatem non usitato fortasse more persequi, sed ex iis ipsis haurire fontibus, unde illam haecenus dimanasse mihi persuadeo, & fore confido, ut etiam in posterum perenni & numquam in-

F

ter-

termittenda derivatione profluat ) huc usque , inquam , quantum conniti ingenio potui , rem totam deduxi , ut eam ulterius provehere me posse desperem . Atque hic obsecro , Quirites , quaesoque , ut Regii hujus Infantis Avum , Patrem , Matrem non stantes ac contemplantes , quod per tempus non licet , & orationis vela contrahenda jam sunt , sed quodammodo transeuntes intueamini . Qui spectatissimo Patre , qui optima Matre natus sit , qui Avum clarissimum Regem habeat , atque in his & egregiarum incitamenta laudum , & maximarum documenta virtutum , hunc ego & pium & justum & fortem & sapientem & liberalem futurum certo ac sine haesitatione pronuncio : praesertim cum dubitari non possit , quin idem in eam , in quam susceptus est , spem plane magnam , quamliberalissime ac Regie sit educandus . Accedit huc titulus ipse BURGUNDIAE DUCIS , quo insignitus est , quique non tam nomen dignitatis erit , quam invitamentum virtutis . Quoties se BURGUNDIAE DUCEM appellari audiet , toties profecto illius alterius BURGUNDIAE DUCIS , proavi sui , recordabitur . Recursabunt animo illius integerrimi viri religio , pietas , innocentia , caeteraeque virtutes non tam litterarum monumentis consignatae , quam in Gallorum omnium animis defixae ac memoriae altius impressae ,  
quam

quam ut oblivione ulla deleri possint, qui morte sanctissime obita anno aetatis suae tricelimo, hujus saeculi duodecimo, ad superiorum concilium, uti credere fas est, evolavit. Haec omnia SERENISSIMUM hunc BURGUNDIAE DUCEM talem futurum, qualem Gallia maxime cupit, nosque omnes ei sincere atque ex animo optamus, certo spondent ac pollicentur.

Quid restat igitur, nisi ut tantam felicitatem primum Regiae Familiae, tum Galliae, deinde Vobis, post Sodalibus meis, tum ad extremum omnibus gratuler: LUDOVICO quidem Regi nepotem suavissimum, SERENISSIMO DELPHINO ejusque lectissimae Conjugi carissimum filium; quos sane decet magis, quam caeteros laetari, cum per ipsos effectum sit, ut caeteri laetarentur, quippe qui tale ac tantum Gallico Imperio praesidium genuerunt: Galliae vero firmissimum columen, quo innixa, uti haecenus stetit, stabit etiam in posterum omne tempus, & vigebit quotidie magis, nihilque formidabit adversi, quod ejus dignitatem infringere ac labefactare possit. Vobis autem etiam, Quirites, maximopere gratulandum esse censeo, quod eorum Regum Imperium tam praeclare constitutum videatis, quibus tot nominibus obstricti obaeratique estis. Jam inde ab initio dixi, quanta inter eos, atque hanc

Urbem, Catholicae Religionis sedem ac domicilium, intercedat necessitudo. Scitis, quo studio erga illam ipsam Catholicam Religionem Gallorum Reges semper fuerint. Merita Pipini, Caroli Magni, Ludovicii Pii, aliorumque erga vos plane innumerabilia atque immortalia non ignoratis. Non qualicumque beneficio aut munere contenti fuerunt, sed integras provincias, atque eas ipsas, in quas cum imperio mitti soletis, Romano Pontifici large effuseque donarunt. Ex quo Clodovaeus ille Christiana Sacra suscepit (cujus illud exstat memoriae proditum plane singulare, quod solus eo tempore Rex Catholicus existit, caeteris cum Orientis tum Occidentis Regibus, aut pravissimis, vel Arianorum, vel Acephalorum, aliarumve hujusmodi pestium, opinionibus implicitis, aut impurissimis Gentium superstitionibus contaminatis: unde etiam factum fuit, ut insignibus Gallorum Regum titulis honorificentissimum Ecclesiae (a) Primogenitorum agnomen accreverit, atque ad consequentes Reges tamquam haereditario jure devenerit) ex eo tempore numquam Gallorum Regum defecit pietas, numquam ardor ille Catholicae Religionis defendendae amplificandaeque deferbuit. Borbonii vero Reges,

(a) Longuevallius Hist. Gallic. tom. 2. lib. 5. Pallav. Hist. Concil. Trident. lib. 21. c. 9. n. 1. & lib. 14. c. 5. n. 1. & Bullae Pontif.

ges , qui ab Sancti Ludovici , Hierosolymaria illa expeditione celeberrimi , filio altero Roberto genus repetunt suum , satis ostenderunt , hodieque ostendunt , nihil illis antiquius esse , quam avitam Religionem , atque a Majoribus traditam , sanctam tectamque conservare . Quamobrem videtis , Quirites , quantum horum Regum favere commodis , studere felicitati , & quo demum animo erga ipsos esse debeatis . Quod ad sodales meos attinet , quorum nomine haec habita a me Oratio est , perstringam breviter : tanta existisse Gallorum Regum erga nos beneficia , ut eorum numerus iniri non possit . Atque ut alios praetermittam , Ludovicus ille Magnus tot Societati nostrae partim attribuit , partim redditibus auxit , partim de integro condidit domicilia , ut prope ad triginta numerentur . LUDOVICUS vero Decimus Quintus nihil profecto Majoribus suis de amore erga nos ac beneficentia concedit , a quo cum summa acciperimus beneficia , immensum quiddam nos illi debere sentimus . Satis opinor hoc nobis esse causae , cur nos etiam in hujus gratulationis partem veniamus . Dixi postremo loco , hoc gratulationis officium ad omnes , quocumque tandem ordine , genere , fortuna , aut etiam natione sint , pertinere . Nam , praeterquamquod unius Regni securitas atque tranquillitas cum externorum etiam Regnorum quie-

te

re atque orio, propter mutuam quandam publicum rerum inter se consensionem, implicita est & cohaeret, hunc BURGUNDIAE DUCEM tamquam pacis, quae certe ad omnes pertinet, alumnum intueri sane nos ac reputare debemus; quippe qui tempore pacis natus sit, & felicissimo partu a Matre in lucem editus; ut non privatae solum unius Regni, sed publicae omnium gentium felicitati ac tranquillitati susceptus videatur. Extremum igitur illud est, ut, cum omne genus hominum felicitatis hujus atque gratulationis particeps sit, nemo non Deo Optimo Maximo, bonorum omnium auctori ac largitori, & gratias immortales agere, & libentissime pro salute atque incolumitate SERENISSIMI BURGUNDIAE DUCIS supplicare debeat, qui, uti dicebam, datus nobis atque oblatus est tamquam illius ipsius expectatissimae pacis obfes, qua utinam, post maximi gravissimique belli iactationem, sin minus perpetua, quod optandum magis, quam exposcendum videtur, saltem quamdiutissima perfruamur.

D I X I.